

自然形神太定故不交於春序注殃永息
於家庭齋主某合家大小天錫龜齡神扶鴻
社三官月皎行藏無撓於三仇五氣春融動
靜莫繁於五累衍芳猷於百世鍾餘慶於一
門中外泰然公私咸若允拜生成之造敢志

化育之恩上願覆載清寧日星輝潤風雨調
順夷夏熙平疫癘潛蹤物物遂天機之性鬼
秋滅爽生生蒙化治之仁澤被萬象惠草
木變幽關之刀劍鬱鬱春林化冥路之炎涼
遲遲溫圃千靈有喜一忝無私則上明

天尊大慈之化下副巨等皈命之誠謹啓以
聞

舉願

存神燒香

香官使者左右龍虎君侍香諸靈官當令巨
晚朝行道之所自然生金液丹碧芝英百靈
眾真交會在此香火爐前今臣學道得道求
仙得仙齋主受福幽顯沾恩十方仙童玉女
侍衛香煙傳臣向來所啓之誠速達徑御
太上无極大道至真玉皇上帝御前

出堂頌

回靜默

謝師

回向

靈寶領教濟度金書卷之一百二十五



靈寶領教濟度金書卷之一百二十六一百三十

洞微高士開光救苦真人寶金具授

靈寶通玄弘教水南先生林靈真編

科儀立成品度星齋用

謝恩醮儀

衆官序立

陞壇如式

燒香頌

各禮師存念如法

衛靈呪

五星列位 煥鎮五方 始皇護魂 丹老衛形

皓靈侍魄 黑帝攝生 中央黃帝 統御萬真

元皇詰下 幽夜開光 罪消北府 名列南昌

金錄定籍 玉宇除殃 朱陵煉質 飛神太蒼

三官九府 无極神鄉 普受關度 上生天堂

和與道合真

鳴法鼓二十四通

无上三天玄元始三炁太上老君召出臣等

身中三五功曹左右官使者侍香金童傳言

散花玉女五帝直符直日香官各三十二人

出出者嚴裝闕啓玄壇天帝神君當召此間
土地里域真官正神息上關啓臣今奉為入
齋意以今設醮謝恩燒香行道願得玉清道
炁靈寶妙光下降流入臣等身中今臣所啓
之誠速達徑御

太上元極大道至真玉皇上帝御前

請稱法位

具位臣某與臨壇官眾等謹同誠上啓

太上元極大道虛元自然元始天尊太上道
君靈寶天尊太上老君道德天尊玉皇大天

尊玄穹高上帝紫微中天北極大帝紫微上

宮天皇大帝南極長生大帝東極青華大帝

九天生神上帝三十二天上帝五靈五老大

帝日宮太陽帝君月府太陰皇君五方五德

星君南斗六司星君北斗九皇星君天罡大

聖節度奎光帝君二十八宿星君天曹諸司

真君天地水三官大帝三洞四輔經籙法科

上聖回真神仙將吏玉嶽五帝洞天福地暗

廬治化仙官本境祖玄真師經籍度師列位

真人城隍社令地水職司三界官屬一切威

靈臣聞一炁凝精御洪鈞而朗照三靈多粹

開驚極以恢張帝江鑿混沌之根聖海鼓洪

濛之運昭昭臨下敷化育於陰陽赫赫受中

稟生成於經緯與無聲無臭而並立秉有物

有則以威資道大難明功高莫極今醮官某

鋪張秘範疏淪塵襟崇榆柳槐杏之壇已承

洪渥秩蘋蘩蕝藻之席更露丹衷庶以謝而

以祈式可羞而可薦欲望龍旂鳳葆翩翩齊

下於玄虛鸞輅虬輪縹緲均臨於碧落十極

之風珍混合八絃之月鞠同流乘梵炁以彌

羅企靈光而流演臣無任激切望恩之至謹

稽首再拜奉請

請聖

三界衆真離筵列聖適伸拜請誅沐光臨請

各整於仙班共祇迎於

帝馭

降九位

鸞輿至上鶴駕臨軒與醮衆真如儀朝禮朝

禮既周請陞離席離官上香設拜初進酒

初獻

具位臣某謹重誠上啓

三清上聖十極高真玄穹之帝座師尊洞府

之真仙主宰醮建內外一切真靈臣聞始青

變化煥靈寶之神功大赤飛玄耀真元之聖

治玉字開光於龍漢金書敷妙於鶴鳴教雨

膏濡溥八絃而躋壽域德風鼓動合九壘而

登春臺皆網紀於清微用權衡於紫極無所

不度有風皆通臣等四象陶形九霄孕炁學

具冥坐敢修獨善之功領教行持誓勵同仁

之力凡有投告敢不闕聞齋齋青詞謹當宣

奏

宣詞

按如詞旨備殫素衷以今齋主某心軫陰靈

情鍾陽春念夜臺蒙沈未清注訟之塵致夏

屋團樂其會復連之垢祈恩惠澤均被慈光

庸宣藥笈以皈神肅建芝壇而請命期消殺

巨齋按度星職宿覺於十華絡新葦於三寶

曲蒙善應用副真忱玉札開幽冀提魂於黑

府金符委炁復鍊魄於朱官既往承雨露之

恩見在撲蒸風之被茅茨不剪重馨折以秩

瓊章泰稷非馨庸翹傾而臨寶座既初忱之
已肅故終慮之敢祈伏願龍仗傾光鸞旂駐
景不在大不在小之咎悉冀海涵無私覆無
私載之恩重祈河潤庶今存亡而皆泰均俾
幽顯以沾恩臣下情無任虔禱之至

亞獻

臣謹重誠上啓

聖位 臣聞無聲無臭昭視聽之自民有翼
有嚴覺禍福之由已鳳渥期敷於方澤蟻忱
盡顯於玄虛重念亡故某萬忝飛奔百神披
散六因十習既感召於業根五苦三塗悉願
冥於畏境冀拜天關之厚德獲離地禁之深
寬伏願宴坐青華棲真碧漢超恩愛網毋延
累於凡居出煩惱輪析圓成於勝果陟聖審
而問道入珠泰以閱經悉契真常免罹劫運

次願齋主某簾櫳日麗院宇春酣紫炁玲瓏
散千災於已往祥煙覆郁迎百福於方來椿
萱常不老之年蘭桂耀長新之景歲功七十
二候常沐繁登道炁百千萬重永膺純嘏無
蟲臂鼠肝之微慮有龍鱗鳳翼之光榮陰陽

免冠於福田公私俱安於壽域祖玄超邁永
無考對之憂春屬和寧自在幽閑之樂鎮鐵
簡而故炁飛通佩金符而新祉來翔慶鶴絲
蘿權騰桑梓人所欲者天必從之臣等綴武
鸞班承顏御座慮過彰於丹憲或塵冒於玄

儀

儀重賴聖明曲矜愚魯玄風丕振帀九極以
飛騰聖日昭融布八遐而彩煥上願二儀呈
晏三景開明為時雍於卿雲耀大和於甘露
重輪重暈祥光照圓蓋之中同軌同文耀煥
遍方輿之上罔鳳鳴而朝多吉士流鴈集而

野乏饑民庭宇謳歌鞠團靡之青草里閭絃
誦靜方域之綠林動植均被於生生飛潛溥
成於化化寒庭春到夜壑朝輝永孚經緯之
靈威登陸陽之運臣下情不勝虔禱之至

終獻

啓聖 臣聞至教無文借露英傾之泗大禮
必簡庸伸并獻之儀曲承小物之不遠允藉
大鈞之有造以今香殘玉篆燭散金輝銅烏
沉夜漏之聲玉蟾散霄輝之影前瞻翠節將
返景於霄衢後從珠璣漸迴光於輦路諸天

復位三界回班臣等逆履塵閣躬辭聖陸肘
行勝步真攀法從之光華目迴心馳惟企恩
波之浩蕩臣下情不勝虔禱之至謹稽首再
拜奉送

存神燒香

迴軒頌

送聖

靈寶頌教濟度金書卷之一百二十六